

Goibekokale

ELGETA / Barikua / 2002ko abenduaren 5a / 121. zenbakia

KOORDINATZAILEA: Oxel Erostarbe • Barrenkalea 33 20570 BERGARA • Tel.: 943 76 92 71 • Faxe: 943 76 29 77 • Posta elektronikoa: goibekokale@goiena.com • Lege gordailua: SS475/95

MERCEDES FRANCO/BAKEAZ-KO TEKNIKARIA

“Elgetak garapen jasangarria izatea da Agenda-21 programaren helburua”

OXEL EROSTARBE

Udalaren enkarguz ingurumen ikuskaritza egin du Bakeaz enpresak. Garapen jasangarria bultzatzen duen Agenda-21 programaren barruan egin da ingurumen ikuskaritza. Mercedes Franco Bakeaz-ko teknikaria da.

Elgetako ingurumen ikuskaritza egin berri duzue. Agenda-21 programa aurrera eramateko lehen pausoa da hau. Baina zer da Agenda-21?

1992an, Rio de Janeiroko konferentzian sortu zen Agenda-21. Estatuek konpromisoa hartu zuten udalerrri bakoitzean Agenda-21 programa aurrera eramateko. Helburua da udalerrien garapena jasangarria izatea. Azken baten, udalerrriaren garapena bideratuko duen plan estrategikoa da Agenda-21. Pauso batzuk eman behar dira: lehenengo da diagnostikoa egitea. Hau da, udalerrian dauden ahultasunak eta arazoak zehaztea; bigarren pausoa da herritarren parte hartzea bultzatuko duen foroa aurrera eramatea. Izan ere, Agenda-21 programaren oinarria plan estrategikoaren diseinuan herritarrek eta bertako taldeek parte hartzean datza; hurrengo pausoa da diagnostikoan ikusi diren ahultasunak herritarren foroan eztabaidatzea. Horrek eramango gaitu herritarrendako garrantzi handien duten ahultasunak zehaztera. Eta ahultasunak aukeratuta, neurri zuzentzaileak zehazten dituen plan estrategikoa garatuko dugu. **Plan estrategikoaren diagnostikoa egin duzue dagoeneko. Zeintzuk dira emaitzak?**

Diagnostikoa hasi genuen herriko zenbait elkarte eta personarekin elkarrizketak eginez. Horren helburua zen iritzi desberdina duen jendearen artean oreka topatzea. Herriaren garapen mailaren gainean askotariko iritziak daudela ikusi genuen.

Landa-lana egin eta gero, faktoreak aztertzen hasi ginen. Aurrez erabakitako metodologia jarraituz, ingurumenean eragina



GOIBEKOKALE

zutenak eta ingurumenean eragina zutenak banatu genituen; adibidez, lurralde antolaketa, lurren birsailkapena, zaratak, hondakinak, garraioa... ingurumen fak-

toreen barnean daude. Ingurumenean, aldiz, ura, lurra, atmosfera, biodibertsitatea... hartzen dira kontuan. Faktore horiek aztertu ondoren, herri ereduak inguru-

giroarekiko duen eragina zein den ikusten da. Diagnostikoaren helburua ez da gauza txarrak ateratzea, herriaren panoramika osatzea baizik; hau da, ahultasunak zein faktoretan dauden zehaztu eta konpontzeko neurri zuzentzaileak hartzea. Diagnostikoa plan estrategikoaren oinarria izango da. Azken hilabeteotan diagnostiko hori egiten jardun dugu Elgetan.

Zeintzuk ahultasun topatu dituzue Elgetan?

Familia bakarreko etxeak ugaritzea ahultasunetako bat da. Garapen jasangarriaren ikuspuntutik begira hori ez da egokiena, ingurumenean eta lurren okupazioan eragiten duelako. Hirien arteko garraio aldetik, Elgetak zerbitzu gehiago behar dituela ikusi dugu. Energia berriztagarriaren gainean, EVE enpresak doan egiten duen ikerketa burutzeko, hitzarmena sinatzea ere onuragarria izango litzateke herrirako. Ahultasun bakoitzak neurri zuzentzaile batzuk behar ditu. Udalari neurri horiek zeintzuk izan daitezkeen proposatu diogu. Agenda-21 programa aurrera eramateko oinarritzko pausoa emana dago. Herritarren foroa sortu eta ahultasunei aurre egitea dira hurrengo pausok.

Helburua: Elgetaren garapen jasangarria

Bakeaz enpresa arduratu da Elgetako ingurumen ikuskaritza egiteaz. Hasiera baten, bakerako talde bezala sortu zen Bakeaz. Artikuluak idatziz eta iritzi liburuak argitaratuz armamentu-norgehiagokaren aurka egin zuten. Hasierako asmoa garatuz joan da, eta, gaur egun, bake eta ekologia ikasketa eta ikerketa zentroa da. Ekologia alorraren barruan ingurumen gaiak aztertzen dituzte.

Udalaren enkarguz herriko ingurumen ikuskaritza egiten jardun dute azken hilabeteotan. Udalerrien garapen jasangarria bultzatzeko sortu zen Agenda-21 programaren oinarritzko pausoa da ikuskaritza egitea. Ikuskaritzaren diagnostikoan batzen dira ingurumena eta ingurumenean direla-eta herriak dituen ahultasunak.

Ahultasun horiek konpontzeko har daitezkeen neurriak ere aipatzen dira. Agenda-21 programa aurrera eramateko herri mailako foroa sortzea izango da hurrengo pausoa. Foro horren lana izango da ahultasun garrantzitsuenak zeintzuk diren erabakitzea eta horiek zuzentzeko neurriak proposatzea. Udalaren asmoa da gai horren gainean interesa duten elgetarrek eta elkarteek osatuko duten foroa lehenbailehen sortzea.

Ikuskaritzaren kostua 4.927,68 eurokoa izan da. Eusko Jaurlaritzak 2.404,10 euroko dirulaguntza eman du hori aurrera eramateko.

Ikuskaritza irakurri nahi duenak udaletxean eska dezake. Eta laster, Udalaren webgunean ere egongo da.

LABUR

Gobernuz kanpoko hiru erakunde lagunduko dittue

Peruko Curahuasi-Apurimaceko eskolan ikas-programak garatzeko 812 euroko dirulaguntzia emongo dau Elgetako Udalak. Arantzazu Askasibar elgetarrak dihardu hantlanian. Atzegiri 270 euro eta Banoiari 120 euroko dirulaguntzia emotia be erabaki dau Elgetako Udalak.

Torrealdeko birpartzelaziñua egiten dihardue

Gobernu batzordiak Toledo Taldiari emon dotsa 8. sektoreko birpartzelaziño proiektua egiteko arduria. Torrealdean etxebizitzak egiten hasi aurretik derrigorrezkoa da hori proiektuori egittia. Proiektua egittiak 6.197,94 euroko aurrekontua dauka. Hiru hillabetian amaittuta egotia espero dabe.

Goibeko Kultura Elkartian, loterixia amaitziar

Herriko taberna eta dendetan topau zeinkie Goibeko Kultura Elkartiak salgai jarritako Gabonetako loterixa txartelak. Erosi ez dozuonok lehenbailehen erostia dozu onena, saldu ez diran txartelak datorren astian erretirauko dittue-eta.

Asteburuetan eta jaiegunetan argixa egongo da frontoian

Gobernu batzordiak onartu egin dau frontoiko argixa dala-eta Kirolen batzordiak egin zeban proposamena. Urtarri-lletik aurrera, zapatuetan, domeketan eta jaiegunetan argixa piztuko dabe, 17:00etatik 19:00etara. Umiak jolastu deixen ipiñi dabe hori zerbitzuori. Eta ezin izango da frontoitoi osua norberandako hartu.

IRAKURLIARENTXOKUA

ALKATE JAUNARI:

1) "Goibeko kultura elkarteak 14 milioi jarri behar dituela aurreikusit" dute Udala gobernatzeko dutenek. Dudarik gabe, Udalak zifrak bota ditzake, baina 14 edo euro bakarria izango den Goibekoko bazkideek erabakiko dute. Hitzartu gabe dauden zifrak prentsara ateratzek ez du zentzu handirik.

2) Poztekoa da obrak urtarrilean hasi behar direla irakurtzea, baina epe askotxo entzun ditugu hiru urteko jardunean: lehenengo ferixa nagusiak, gero Gabonetarako zabalik, orain martxorako... Poztuko nintzake Goibekoko talde eragileak lan handia egin duelako proiektu hau aurrera ateratzeko. Ez dut dudarik, herritarren gehiengoa ere poztuko dela aretoari irtenbide kultural egokia ematen badiogu.

3) Kudeaketaren gaineko hainbat puntu zehaztea derrigorrezkoa da. Gure usteak irailaren lehenengo egunetan bidalita dauzkagu bai kultura teknikariari eta baita alkate jaunari ere. Galdera zerrrenda luzea eskuartean dutena erantzunik eman gabe.

4) Bazkideei, esan, beraien direla proiektu honetan aurrera edo atzera egin behar den esango dutenak. Betiko moduan, saiatuko gara informatzen GOIBEKOKIDE barne buletinaren bidez.

Gure nahia espaloia kafe antzokia egoki programatutako ekintzaz lepo eta finantziario arazo gabe ikustea da. Diru soinu badago Jaurlaritzatik eta Aldunditik. Orain, kudeaketa negoziatu beharko dugu Udala osatzen duzuen politikookin.

Ia Elgetak kultura arloan merezi duena lortzeko modurik dugun.

IBAN ARANTZABAL
Goibekoko presidentea

INGURUGIROA

Alberto Friasek Elgetan energia alternatiboa garatzeko dauden aukerak azalduko ditu

O.E.

Datorren egunean, hilak 12, herri mailan energia alternatiboak garatzeko dauden aukeren gaineko berbaldia izango da liburutegian. Eguzki ingurumen taldeko bozeramaile Alberto Frias izango da hizlaria. Berbaldia arratsaldeko zazpietan izango da.

Maya ingurumen taldeak antolatutako berbaldian energia alternatiboen gainean jardungo du Alberto Friasek. Elgetan energia mota horiek garatzeko dauden aukerak ere aztertuko dituzte.

Maya ingurumen taldeko Rebea Uberak esan digu berbaldia zeren gainean izango den: "Energia alternatiboaren gainean Europako eta Estatuoko legeek diotena azalduko du Alberto Fri-



ARGAZKI PRESS

Energia alternatiboen gainean jardungo du Alberto Frias Eguzkiko bozeramaileak.

sek. Energia mota horiek aurrera eramateko dauden dirulaguntzen berri ere emango du".

Berbaldiaren asmoa da energiaren eraginkortasuna neurtuko duen diagnostikoa zelan egin aztertzea eta Elgetan herri mailako energia agentzia sortzea.

UDALAK EGIN DEZAKEENA

Energiaren erabilera dela eta, Udalak hiru funtzio bete ditzakeela esan digu Rebeak: "Udala energia kontsumitzailea izan daiteke, gaur egun dena. Apustu aurrerakoa eginez, ordea, energia ekoizlea eta kudeatzailea izatera hel daiteke. Maya ingurumen taldekoon iritziz, apustu hori egin behar luke Elgetako Udalak".

Beste herri batzuetan egin duten moduan, elkarrekin batu, eta herri mailako energia agentzia sortu nahi du Mayak.

KIROLA

Ubera eta Bengoetxea, finalera bidean

O.E.

Zapatuan, hilaren 7an, DV Txapelketako finalaurrekoak jokatuko dira Aizarnazabal. Xabier Ubera eta Jon Bengoetxea finalerako txartela lortzeko asmoarekin irtengo dira frontoira. Euren helburua lortzea, ordea, ez da erraza izango, txapelketa bikaina egiten diharduten Martínez de Irujo eta Zabala izango dira-eta euren aurkariak.

Lau pilotarietako dute maila parekoa da; horregatik, zaila da gerta daitekeena aurreratzea. Urduritasunak etxean laga eta hasiera-hasieratik partiduen bila irten behar dira Xabier eta Jon. Kontuan izan behar dute, baina, final-laurdenetan jokatuko diren partidu gehienak luzeak izan direla. Eta zapatukoa ere partidu

luzea izango da, seguru asko. Hori dela eta, amaierara sasoi puntu onean heltzea garrantzitsua izango da.

Zapatuko pilota jaialdia 17:00etan hasiko da. Finala jokatuko azken pausoa geratzen zaio Uberak eta Bengoetxeak osatutako bikoteari.

GABONETAKO PILOTA TXAPELKETA

Aurten ere Gabonetako Pilota Txapelketa antolatu dute Guraso Elkarteak eta Ozkarbik. Dagoeneko 31 neska-mutikok eman dute izena. Txapelketa abenduaren 23an hasiko da. Aste osoan kanporaketak jokatuko ondoren, abenduaren 31n izango dira finalak. Izena emateko epea bukatzekotan da, eta oraindik eman ez dutenek udaletxean dute horretarako aukera.



Gabonetako Bolo Txapelketa, gertu

Aurten be Gabonetako Bolo Txapelketa jokatuko da abenduan zihar. Abenduaren 7an, 14an, 21an eta 28an izango dira kanporaketak. Honetan egunotan, gabeko hamaiketan hasiko dira tiradak. Kanporaketa bakoitzian diru sarixa izango da lau lehenengundako. Txapelketan zihar erregularrenak diranendako be sarixak izango dira. /O.E.

Aperribay, s.l.

Marmoldegi
eta granitoak

Pagatza indus. z/g.
Tel. eta faxa: 943 78 90 21

20690 ELGETA



RECYDE, S.A.

Pagatza pol. ind. 20690 ELGETA, Gipuzkoa
Tel. zentrala: 943 78 80 00. Faxa: 943 78 90 10
Posta elektronikoa: recyde@recyde.es

AENOR

ER

Enpresa
Erregistratua

ER-0182/2/95

ISO 9002
QS 9000
ISO/TS 16949

BOLATOKI

Taberna

Eguneko menua

Asteburuan menu bereziak,
ospakizunak eta agur-afariak

Karta enkarguz

Artekale 2, ELGETA. 943 76 82 84

ERRETRATU ZAHARRA

BERGARA

Gazte koadrila, 1956ko
San Martzialetan

A tzean geratu da San Martzial Eguna. Zalantza barik, gurean ondo baino hobeto errotutako jaieguna da, urtetik urtera herritar ugari batzen dituen. Alboko argazkia 1956ko San Martzialetakoa da.

Erretratuan San Lorentzoko eta San Juan auzoko gaztetxo batzuk agertzen dira. Argazkia, esan bezala, duela 46 urtekoa da, eta bertan azaltzen diren mutilek 15 bat urte izango zituzten orduan. Ezkerretik eskumara:

Goian: Miguel Etxaniz, Gaspar Elkoro eta Juanito Beitia.
Makurtuta: Joxe Mari Iñarra, Jesus Mari Elkoroberezibar eta Pedro Garmendia.

Argazkia: Gaspar Elkoro



ADI IRAKURLE!

Zure erretratu zaharra argitaratzea nahi izanez gero, zatorz BERRIGARAra (Irizar jauregia, Barrenkalea 33) edo Elgetako kultura etxera. Zain gaituzu!

NOLA ALDATU DIREN GAUZAK


BERGARA

Martzial
Agirre kalea

Ezkerreko argazkian Espoloi atzealdeko lursaila agertzen da, Martzial Agirre eta Arrizuri kaleetako etxebizitzak egin aurretik, hain zuzen. Etxebizitza horiek 80ko hamarkadaren amaieran hasi ziren eraikitzen. Argazki zaharrekin askotan gertatzen den moduan, kosta egiten da 1988ko irudian inguru hura gaurko egoerarekin errekonozitzea. 14 urte igaro dira ordutik hona.



1988 Martzial Agirre eta Arrizuri kaleak egin aurretiko irudia (Begarako Udal Agiritegia, Fabian Goirizelaia Bilduma).



2002 Espoloi inguruan etxebizitza ugari eraiki zituzten 80ko hamarkadatik aurrera. Frontoia ere egin zuten bertan.



Zumelaga

JATETXEA

60 urte zuen zerbitzura!

San Antonio 5. BERGARA. 943 76 20 21

Mujika
gozotegia



Bizkotxoak
Erreilenoak
Tostoiak

Artekalea 3 BERGARA
943 76 10 34

TOKI-ONA
Bodegoia-taberna

Eguneroko janariak
Txitxizotzak
Kazolatxoak
Txabierroak

Matxiategi 1. BERGARA
Tel. 943 76 39 53



ARRI

Industri
hornidura

Zubiaurre, 30
BERGARA
Tf. eta faxa:
943 76 19 04.
Sakelakoa:
656 78 64 84.



IPARRORRATZA...

Goazen bidaiatzera!

Goitb
Goiena Telebista

**Ikusiko
duzu!**

Martitzenero,
20:30ean eta 22:30ean

Aurkezlea:
Julen Aranguren

GRUPO **RKUZ** 1950-2002



Arkauz zure etxea da.



Araba etorbidea 20 • Tel./Faxa: 943 79 23 51
ARETXABALETA



Araba Etorbidea 5 • Tel./Faxa: 943 79 41 82
ARRASATE



Mitarte 3 • Tel./Faxa: 943 77 04 55 **FAGOR**



Asuncion, 1 • Tel./Faxa: 943 79 10 97
ARETXABALETA

